

17066

DE

SUMMI SUPPLICII

JUSTITIA ET NECESSITATE.

**DISSERTATIO INAUGURALIS
PHILOSOPHICO - JURIDICA**

QUAM

**CONSENSU ATQUE AUCTORITATE
ILLUSTRIS JURISCONSULTORUM ORDINIS**

AD VENIAM LEGENDI

IN

**UNIVERSITATE LITERARUM CAE-
SAREA DORPATENSI**

RITE IMPETRANDAM

CONSUETO LOCO PUBLICE DEFENDET

AUCTOR

**LIE. BAR. REINHOLDUS
DE UNGERN STERNBERG,**

J. U. DOCTOR.

DORPATI LIVONORUM.

EX OFFICINA SCHUENMANNIA;

MDCCXXXV.


1000

I M P R I M A T U R

haec commentatio, ea lege, ut quam primum ex officina pro-
dierit, quinque eius exempla collegio examinandis libris pra-
posito exhibeantur.

Dorpatti, die IV. M. Maji a. MDCCCXXXV.

Dr. Carolus Eduardus Otto,
Ord. Juriscons. h. t. Decanus.



P R A E F A T I O.

Jam pridem legibus universitatis nostrae,
quibus ad obtinendum gradum candidati
praescriptum est, ut, examine superato,
exhibeatur commentatio quaedam, ad ean-
dem materiam, quam et nunc tractare mi-
hi propositum est, adductus, timide post
tot clarissimos viros, qui insigni doctrina
eximioque ingenii acumine tam egregia de
eadem re in medium protulerunt, cogita-
tiones meas in scriptione aliqua componere
audebam, magis indulgentia judicium meo-
rum, quam ullo merito proprio fretus.

Quo magis vero tenuitatem et infirmitatem opusculi ipse intellexi, eo libenter, nunc iterum occasione scribendi mihi oblata, quum ad obtinendam veniam legendi, altera expostuletur exercitatio, publice defendenda, ad prima mea studia reverto, ne opprobrio imbecillitatis etiam operis ad finem haud perducti accusationem adjungam. — Quaestionem de justitia et necessitate gravissimae poenae, scilicet poenae capitalis, ex nonnullis ejus partibus perscrutandam mihi sumsi; quae poena summum cujusque bonum tangens, maleficum superiori tradit judicio, quia crimen ejus humani judicis potestatem puniendo satisfaciendi justitiae excedit, manuque humana revelat, quod:

— caliginosa nocte premit deus.

Hor. carm. L. III carm 29.

Quod ad latitudinem aliquando durio-

rem attinet, haec pauca addenda esse putto. Sane quidem videor liberius in compositione verborum egisse, atque in lingua veteri licebat, sed ut in tot notionibus antiquitati ignotis, et sententiis, quae demum in philosophia recentiori tractantur, in deducendi et argumentandi modis porro hucusque tantopere insolitis, omnes evitarentur novae formae et termini technici barbari, effici non poterat, nisi lectoris patientia abuti vellē.

Accipias igitur, benevole lector, hoc opusculum indulgenter, vitiisque libelli materiae causa ignoscas rogo. Cuique enim maximi mimenti esse debet materia illa, quia omnium civium intuitu incolumentas vitae, libertatis, bonorumque, in principiis juris criminalis, secundam justam et immutabilem theoriam, ex jure

**deducendam firmatis, posita est. Utinam
contingat mihi, ut otium in posterum
quietemque habeam, ita ut emendatoria
exhibere, et iis, quae in hoc libello manca
et imperfecta sunt, melioribus et magis
perpolitis operibus, veniam impetrare
possim.**

De principiis juris puniendi.

§ 1.

In exiguo spatio dissertationis inauguralis, ut omnia, quae a plurimis iisque excellentissimis viris conscripta sunt de re tam saepe exposita tantisque studiis elaborata, referrentur, fieri non poterat.

Paucissimae enim juris disquisitiones tam multiplici modo tantoque studio et ardore tractatae sunt, quam quaestio illa de jure civitatis puniendi, et maxime quidem morte hominem mulctandi; attamen res adhuc minime decisa est, nec, quomodo contrariarum sententiarum defensores reconciliari valeant, dijudicari potest; sed in praxi existimatio, quae jus, morte hominem mulctandi, humani judicis competentiam exceedere dicit, ne in iis quidem civitatibus, in quibus plurimum adversus hanc poenam scriptum et disputatum est, perduravit; ubi autem re

vera supplicium executioni non datur, alia plerumque existit ratio, quam ejus injustitia.

Considerari potest quaestio nobis proposita primum quatenus in jure sit fundata, tum vis et effectus ejus, si respiciantur mores, denique regulae politices et prudentiae publicae perpendendae in ipsius usu in contemplationem vocari possunt; (1) sed existimo, si quis ad mores respexerit, hos subsumi posse pro parte sub juridicis, partim sub politicis rationibus (2), nam quocunque iustum moribus quoque licitum esse debet; atque, etiam si stricto jure actio quaedam praescriberetur, quae contra aequitatem et sensum totius populi pugnare videretur, sapientis erit legislatio, et in puniendo lenioribus remediis potius quam strictissimo jure animos ad bonam frugem adducere, justitiamque reconciliare. Politice, vel ars rationem civitatis consequendi, ethices locum in eadem tenet, et institutum quoddam, si ab altera approbatum esse demonstraverimus, cum alterius praeceptis quoque convenire enuntiare nobis licet.

1) M. Aschenbrenner über rechtliche und sittliche Zulässigkeit der Todesstrafe im peinlichen Recht. Im Archiv der Crim. Rts., Th. IV, II. III, S. 86. II. 4, S. 1.

2) Mittermaier neuester Stand der Ansichten über Aufhebung der Todesstrafen; im Archiv d. Cr. Rts. Jahrg. 1834. II. I u. II.

Argumenta, eademque saepe haud parvi momenti, ad capitis supplicium abrogandum spectantia, ingeniose composita, etsi contra vim veritatis, ab eruditissimis viris propugnatae, sustineri non possint, multum tamen fecerunt ad hujus doctrinae notiones illustrandas, rationesque firmandas, quapropter nominibus Beccaria, Sonnenfels aliisque, horum vestigia insequentibus, merita nunquam derogentur laudes. — Minoris momenti esse videntur rationes, quas qui novissimae politices praeceptis nimis favent, protulerunt, languidae cuidam clementiae plus aequo concedentes, vel ex destinatione humani generis, cui mors praematura obstare videatur, vel ex fine consociationis singulorum in civitate, et injustitiam et naturam poenae istius rationi contrarium probantes.

Omnis opinionum varietatis causa in eo potissimum sita videtur, quod jus in aeternum usque immutabile a nonnullis cum intentionibus politicis, quae variae et pro temporibus regionibusque maxime diversae esse possunt, confusum sit. Duae exinde prodierunt juris criminalis theoriae, absoluta et relativa dictae, quarum altera systema suum interno cum juris principiis connexus firmat, altera normas suas componit, externum earam effectum plus minusve respiciens. Ante omnia igitur

fundamenta doctrinae (1) investiganda et firmanda sunt, quibus expositis stricta cum consequentia ad evolvendas et exponendas normas inferiores transeundum. — Videamus jam, quas diversi Jureconsulti protulerint sententias, et inde, quaestione de totius juris puniendi primordiis absoluta, certiorem de singulis poenis et de utilitate unius alteriusve ex iis, opinionem componere studeamus.

§ 2.

Communis plarum de jure criminali meritissimorum virorum sententia est: „poenam justam sequelam esse legis penalnis, quae, jura externa servandi causa sancita, malum sensible violationi comminetur (2). Alii pro theoria sua

- 1) *Grolman* über Begründung des Strafrechts und der Strafgesetzgebung. Giessen 1793; in der Vorrede. — *Savigny* über den Beruf unserer Zeit für Gesetzgebung und Rechtswissenschaft, pag 22. — *Böhmer* über die Wahl der Todesstrafen; im neuen Archiv des Cr. Rts. Th. IV, II. I, S. 58. — *Welcker*, die letzten Gründe von Recht, Staat und Strafe; in der Vorrede.
- 2) *Feuerbach*, Lehrbuch des peinl. Rechts § 15 u. 19. 4te Ausgabe. Giessen 1808. — *Klein*, Grundsätze des peinl. Rechts, § 18. — *Grolman*, Grundsätze der Criminalrechtswissenschaft, § 9. — *Gros* de notione

huic definitioni finem crimina impediendi, vel reum corrigendi, vel alii aliud addiderunt, vel, ex parte opposita, a sola juris auctoritate et imperio, sine respectu ad rationem civitatis et summum omnis status juridici finem, poenam deduxerunt. Conciliationem distantium opiniorum non assequebantur, quia alteri poenam quidem constituunt, ad statum juris in posterum conservandum summa cum diligentia adaptatam, sed eandem solummodo ex politicis intentionibus deducendam, non tanquam officium ex ipso jure sequens, exponunt, quare justitia ejus nunquam certe ostendi poterit; alteri contra recte quidem, ut jam diximus, jus ipsum fundamentum poenarum esse contestantur, easque ex criminis colligunt, sed, necessariam et rationalem ejus intentionem negligendo, injuste agunt, quippe

poenarum forensium. Erlang. 1798, § 18; quas sententias comp. cum opinione *Henkii*: Handbuch des Criminalrechts und der Criminalpolitik, Th. I, Buch I, Absch. 4, Cap. 1, § 61. „Man kann es ohne Uebertreibung sagen, dass von der Bestimmtheit oder Unbestimmtheit dieses einzigen Begriffs die Wahrheit oder Falschheit, die Consequenz oder Inconsequenz der ganzen Theorie, und die Festigkeit oder das Schwanken der Praxis abhängig ist“: dixit Feuerbach in revisione juris crim. praeceps pag. NIX.

qui jura humana tollant sine certa ratione,
quasi hoc ad consequendas summas hominum
conditiones pertineat.

Definitio supra allegata in priori errore
versatur; neque enim lege, nec praevia commi-
natione, nec mali sensualitate ad constituendam
notionem poenae opus esse videtur, quia et sine
lege et antecedente comminatione animadver-
tendi potestatem civitas habere debet, dummo-
do crimen commissum et culpa probata sit (1),
ne unquam justitia satisfactione careat. Sen-
sualitas autem, inter indicia poenae recepta,
poenas honorem respicientes excluderet. (2) —

Nunquam perveniemus ad veram vocabuli
definitionem, donec ei id, quod poena in externo
consequi velimus, inseruerimus. Distinguendum

1) Jam *Plato*, de legibus IX, dixit; nullo casu et nul-
lis momentis reum impunitum manere posse. — *Kant*:
metaphys. Anfangsgründe der Rechtslehre, pag. 326.
— *Grolman*: l. c. § 13. — *Neumann*: Abriss des
Russischen peinlichen Rechts; § 6 in der Note. —
Welcker: l. c. pag. 80.

2) *Kleinschrod*: systematische Entwicklung der Grundsätze des peinlichen Rechts; § 4, Anmerkung. —
Henke: l. c. § 19 et 61. — *Seyfried*: über Fun-
dament und Zweck der peinl. Strafen; Würzburg 1799,
pag. 33.

inter propositum exterrnum legis supplicium con-
tinentis, et intentionem internam poenarum. (1) Pariter ac illud minime hic pertinet, intentio
haec sane non discrepat a notione et fundamen-
to poenarum; id quod etiam *Goeschelius* (2) tra-
tavit, ubi notiones injuria et criminis explicat,
dicens: „Es ist ein transzendenter Irrthum
vieler Strafrechts-Systeme, dass sie den Zweck
der Strafe ausserhalb ihres Begriffes, und den
Begriff der Strafe nicht in dem Wesen und dem
Begriffe des Verbrechens, dem sie entgegen-
tritt, sondern in allerlei äusserlichen Absichten
des Gesetzes, welche von dem Inhalte absehen,
zu suchen sich veranlasst finden. — Gleichwohl
ergiebt sich schon aus der ersten gesunden
Betrachtung, die sich auch historisch an der
Talion bewährt, dass nothwendig in dem Be-
griffe des Verbrechens auch der Begriff der
Strafe, als die unmittelbare Folge des Verbre-
chens, sich finden muss, ohne dass sie der
Mensch selbst willkührlich zu machen braucht.
In dem Begriffe der Strafe muss wiederum ihr
Zweck liegen, ja ihr Begriff ist ihr Zweck;

1) *Henke*: l. c.

2) *Göschel*: zerstreute Blätter aus den Hand- und Hülfs-
acten eines Juristen. Erfurt 1832, pag. 429.

der Streit über den Zweck der Strafe setzt die Unwissenheit über ihren Begriff voraus.“

In fragmento citato finem poenarum ab auctore in eodem, quod et in hac dissertatione jam supra exposui, collocatum esse, patet; unde sequitur, poenam, commisso crimen quidem provocatam, ratione facti nullam praeterea habere intentionem sanam, sed e contrario, in eo animum et effectum ejus positum esse, ut, quae nascuntur e facto turbationes, inoffensae saluti juris resistentes, tollat et ita juris incolumitatem restituat. (1)

Quodsi igitur poenae rationem constituere velimus, ad criminis sensum redeundum erit. Quum vero crimen rursus nihil aliud sit, nisi factum quoddam, quo status justi infringatur, ad juris definitionem nobis erit recurrentum.

§ 3.

Homines ad socialem vitam creati, libertatem suam naturalem et illimitatam conservare nequeunt. Libertas singuli cuiusque libertate ceterorum omnium coërectur, mens igitur sana quemque jubet paullulum de jure suo decadere,

1) *Kant*: I. c. pag. 225. — *Göschel*: I. c. pag. 416 et 475.

ut convictus omnium effici possit. Prodit inde jurium complexus, certo cuique concessionum, inviolabilium, reliquis vero non necessariorum, quorum sustentatio sanctum est officium omnium, quod, vel expressa declaratione, vel tacite obtemperando agnoscitur, et ita in jus commune sese convertit. Nemo isti officio sese subtrahere potest. „Jeder kann gezwungen werden, aus dem Naturzustande heraus, in eine bürgerliche Verfassung zu treten“, dixit Kant (1), et quemque imperium et ordinem ejus agnoscisse sumi necesse est. Jus ergo in sensu generali, secundum hanc deductionem, possibilitatem esse dici potest coexistentiae singularum libertatum, et consistere in animo uniuscunque, specialem suam voluntatem communis voluntatis, ad sustinendum ordinem civilem expressae, accommodandi et submittendi. (2) Jus au-

1) *Kant*: zum ewigen Frieden pag. 18. Anfangsgründe der Rechtslehre pag. 162, 163.

2) *Göschel*: I. c. pag. 11 seq. — *Gruner*: Versuch über Strafen, in vorzüglicher Hinsicht auf Todes- und Gefängnissstrafen, pag. 20 — 22. — *Wielcker*: I. c. pag. 71 seq. — De relatione juris cum libertate comp. *Montesquieu* espr. des Loix. T. I. L. 11. c. 2 et 3. — *Ancillon*: zur Vermittelung der Extreme, pag. 325. — *Göschel*: I. c. pag. 19.

tem in sensu speciali eadem illa est communis voluntas, quatenus in legibus certae cujusdam civitatis contenta et expressa est, atque pro diversa civitatis forma diverso modo manifestatur. (1)

Juris ita definitione posita; notiones injuriae criminis que, juri oppositorum, sine difficultate exinde sequuntur.

Nam si jus in obtemperando consistit communi voluntati omnium, libero consensu approbatae, et in concedendis inviolabilibus quibusdam terminis, personae singulae ad juris usum necessariis, injuria omne nominari debet, quod rationali voluntati, a hominibus quoad conservandam societatem pronuntiatae, repugnat. (2)

Nullum ergo discrimen inter injuriam, quae jure civili tractatur et eam, quam criminis nomine designamus, in qualitate, sed modo in quantitate juris violati existere potest; nec in jure civili et criminali principia, sed intentiones solae in diversas partes abeunt, altero detrimentum restitutione, altero damnum intellectuale poena tollere cupiente, quum eo usque progressa sit inju-

1) *Ancillon*: I. c. pag. 351 seq. — *Montesquieu*: I. c. L. XIV.

2) *Welcker*: I. c. pag. 219 seq.

ria, ut satisfactione privata haud amplius intellectualis simul deleatur noxa. (1) Poena properea, privatae satisfactioni opposita, satisfactio publica, juri tribuenda, nominari possit: sed hoc jam etsi sumpserimus, notio tamen vocabuli nondum a nobis exhausta esset, cuius vera definitio e notione criminis ultro emanare debet. (2) Crimen est perturbatio status juris, propriam voluntatem contra leges et principia ordinis socialis obtinendo. Quum vero leges et principia ista humanae societati penitus sint implicata, animum et vim suam adversam cuique turbationi eorum opponet, et omnia, quae iis infesta irruperint, delere conabitur. Exaucet in homine conscientiam dissidii cum ipsius natura et destinatione, ut animum suum ad restituendam concordiam compellat, quam maleficio suo interruptum. Et quomodo finem illum satius consequi possit humana societas, quam propriam ejus impiam voluntatem, tanquam jus, quod concupivit, in ipsum retorquendo, eumque, dum malum, cum violatione legis conjunctum,

1) Complures definitiones notionis criminis composuit *Henke* I. c. § 33 nota 4. — *Göschel* I. c. p. 416.

2) *Instructio Cath.* II. ad conficiendam ideam novi legum codicis § 67.

sentiat, injuria et impietatis suae convincendo? Ita potissimum et valorem et incolumentem juris restituet simulque pro natura et destinatione humana aget.

Poena igitur in sensu generali est omne malum culpâ natum, ad intellectuale damnum (1), quod facinore scelesto effectum est, tollendum; deinde, in sensu speciali, malum, quod ex analogia principii supra expositi, legibus in civitate ad sustinendum ordinem juris enuntiantur. (2)

Rationem illam poenarum, intus ex crimib⁹ perceptam, solam cum justitia concordare puto. Jam Ulpianus dixit: „Justitia est constans et perpetua voluntas, jus suum — cuique tribuendi“ (3), et divus Hadrianus rescri-

psit (1): „iu maleficiis voluntas spectatur, non exitus“; porro dixerunt jureconsulti, aequum esse, quod quisque juris in alterum statuerit, ut eodem et ipse utatur, dum ergo id, quod maleficus contra alios sibi fas esse existimavit, adversus ipsum quoque statuitur, in malo, quod sentit, injuriam suam agnoscens, simul poenae justitiam confiteri debet, et animo ita ad bonam frugem redeunte, in statum juris, quem deseruit, restituitur (2). Poena hoc modo constituta talio erit, sed non tam retributio quoad factum, quam quoad effectum ejus respectu juris; nec externum tantum restituit juris ordinem, sed finem suum plane consequitur, dum reum simul a culpa sua liberando, veniam ei et scelerum expiationem impetrat. (3) Sine poena,

1) L. 14 D. ad 1. Corn. de sicariis.

2) Göschel 1. c. pag. 433. — Henke 1. c. — Welcker 1. c. pag. 116 seq. et 435. — Contrariam sequuntur opinionem Beccaria de delictis et poenis § 2. — Feuerbach in doctrina sua de jure criminali, et plurimi caeteri jure docti, qui jus puniendi ex jure imperii ad sustinendam securitatem et conservandum ordinem in civitate deducunt.

3) Poenas criminiis secundum haec principia injungere, legislatoris et judicis est; rerum natura nimis est va-

- 1) Damni essentialis restitutionem non juris criminalis, sed juris civilis curam esse, plures observarunt. Welcker 1. c. pag. 251.
- 2) Sententia in § 84 Instructionis ad conf. uov. legg. cod. contenta, opinioni meae non est contraria, quum dicit: „quidquid in lege dicitur poena, re vera est poena;“ nam secundum analogiam § 67 legibus nullam poenam nisi ex principiis supra descriptis decerni licet.
- 3) L. 10 D. de justitia et jure.

sola principis indulgentia, etsi status quidem in civitate reddatur, culpa tamen cessare nequit, nec dignitas interna reo reddi; poenam autem ex jure et crimine deducta, non haec modo, verum etiam omnes praeterea intentiones, quas ea consequi velimus, per se obtinebuntur (1): retributio mali commissi, quae autem non verbalis, sed, ut verbo a quibuscumque recepto utar, moralis erit, quia non ipsa noxa a maleficio commissa contra eum exsequenda, sed interna requirenda est criminis cum poena aequabilitas pro quantitate violati juris. In talione (dummodo in universum locum habere possit) haec non invenietur, praeterquam si voluntas facta respondeat, nec mores et ratio reipublicae ei obstent, veluti plerumque in exsequenda regula, quae oculum oculo, dentem dentem luere jubet. Praeterea poena ex jure et crimine deducta cives a criminibus deterrebuntur, quia, praeter restitutionem damni alieni (2), maleficus

ria, quam ut possit in sistema recipi. Principia autem, semel agnita et approbata, in singulis quibusque constitutionibus adhiberi necesse est.

- 1) Welcker I. c. pag. 133. — Seyfried über das Fundament und den Zweck der peinlichen Strafen, pag. 72.
- 2) Num restitutio damni possibilis sit, nec ne, nihil differt. In posteriori casu poena, violatis bonis adaequata,

tantum mali perpessurus est, quantum alii inferre voluit. (1) Deterrendo simul praevenietur criminibus, et obtinebitur publica securitas, porro satisatio intuita ejus, qui injiciam passus est, denique redditus malefici ad virtutem et justitiam, si poena permotus, suam denique voluntatem et libidinem communi voluntati submittit.

Complures a viris doctis fines poenarum fundamenti instar collocatos esse, jam supra commemoravi. Fundamentum autem, quod non ex natura rei prodiit, firmum esse non potest, quia extranea variabilia et casualia esse solent. Hinc ille dissensus partium, invicem se refutantium: quare nonnulli complures, alii omnes simul fines complectebantur in constituenda poenarum ratione (2). Liceat jam breviter praestantissimas perlustrare opiniones, quae vicissim et in foro et in theoria praevaluerunt.

animadversioni, juris laesi causa sanctae, addenda est.

- 1) Malum istud commoda crimine adquisita plerumque superabit. —
- 2) Leyser (Med. ad Pand. spec. 649 m. 1) singulis finibus enumeratis dixit: „Perfectissima profecto poena est, per quam omnes simul impetrantur. — Duos colligant fines Gruner Versuch über Strafen § 11 u. 12. — Hobbes de cive c. 4 § 11.

§ 4.

Inter omnes, quas jureconsulti relativas appellant theorias, plurimum habet auctoritatis, quae in deterrendo et ita civitatis securitatem conservando fundamentum et finem poenarum situm esse probat. (1) Hanc diversis rationibus plures defenderunt, quarum ingeniosissima est Feuerbachii, quam ita breviter complexus est Welckerus (2): „civitas, cuius curae est, ne jus violetur, sensum ad peccata committenda incitamentum graviorum poenarum comminatione tollere debet; quae minae civium jura non

restringunt, sed, ut effectum habeant, in quoque casu exsequendae sunt. Exsequi eas autem licet propter consensum malefici cum comminatione ex jure necessarium. — Poena hoc modo contra omnes maleficos tutatur, ejusque norma est periculum civitatis“.

(1)

Si vero Clarissimus ille juris criminalis Instaurator ita argumentatur (2): „Finis civitatis reciproca est omnium civium libertas, vel status, quo nemo juribus suis uti impediatur, exceptis iis, quorum renuntiationem civilis constitutio jam expostulet; quaeque igitur juris violatio contraria est naturae et rationi civitatis, quare jus et officium statum justi conservandi, ejusque eversionem impediendi, magistratibus ejus attribuendum est, et inveniendum remedium, quo omnes pacis et juris disturbanceos prohiberi possint:“ vi et impedimentis externis nunquam id eveneturum esse patet, quia haec eti jura et potestatem civitatis transgrediuntur; quaerendum igitur, possintne per animum et concupiscendi facultatem homines commoveri, ut jus violare nolint? Si, dico, in deterrendo

1) von Dahlberg Entwurf eines Gesetzbuches in Criminalesachen, pag. 113, — Filangieri scienza della legislazione, vol. IV, cap. 27. — Graf Soden, Geist der peinl. Gesetzgebung Deutschlands, Thl. I, pag. 60. — Klein, Grundsätze d. peinl. Rechts, § 9. — Feuerbach, Revision d. Grundsätze u. Grundbegriffe d. positiv. peinl. Rechts. — Derselbe ist Sicherung Zweck der Strafe, und ist Präventionsrecht Strafrecht? in Grolmans Bibl. des Cr. Rts., tom. I, No. 1, pag. 2. — Derselbe, über Strafe, als Sicherungsmittel vor der künftigen Beleidigung des Verbrechers. — Gruner, Versuch über Strafen, in vorzüglicher Hinsicht auf Todes- und Gefängnisstrafen, § 11.

2) Welcker l. c. pag. 214.

1) Comp. Wieland, Geist der peinl. Gesetze, § 258.
2) Feuerbach, Revision der Grundsätze und Grundbegriffe des positiven peinlichen Rechts, Thl. I, pag. 39 ff.

tantum Feuerbachius tale remedium reperisse putat, non sine causa quaestio ei opponitur, num, si finis ille, in quem solum remedium istud depositum habet, non impetretur, remedium ejus justum sit? Deinde, etiamsi ponamus finem poenarum hoc modo semper obtineri posse, num finis agendi juris unquam titulum praehere possit? (1) Postremum, anne in absurdum nos perducant theseos istius consequentiae? Breviter de his quaestionibus in sequenti paragrago disseram.

§ 5.

Si finis poenarum in securitate civitatis obtinenda ponitur, probandum puto, poenas finem illum consecutas esse, nec, si minus, eas justas esse posse. (2) Quod ad psychologicam prohibitionem criminum committendorum, i. e. eam, quae per concupiscendi facultatem vim suam exercet, attinet, inficiari quidem non possumus, quod experientia saepe docuit, poenae comminatione homines a juris alieni

1) Aschenbrenner, das peinl. Recht gehört zum Staatsrecht; im Archiv d. Cr. Rts. tom. IV, pars 1, pag. 92.

2) Henke l. c. § 20. — Göschel l. c. pag. 131—133.
— Grolman, über die Begründung des Strafrechts und der Strafgesetzgebung, pag. 9 u. 63 ff.

violatione retineri posse, sed tamen haec consecutio minime necessaria est, nec semper evenit. Sensuum enim potestas, quae a criminibus committendis vi poenarum retineri debet, cupidine accensa, ipsa omnes supplicii nervos rescindit; et practerea longe abest, ut omnium delictorum origo quaerenda sit in libidine effrenata; quamquam multa, immo plurima ex hoc fonte nascantur, tamen et summa egestas et vitae taedium et non-nunquam poena ipsa (1), vel alia quaedam causa, consilium delinquendi excitare possunt. Quid igitur de effectu poenarum in deterrendo possitarum aestimandum erit, si saepenumero minime deterrent, et contra, praeterquam quod sensus naturales repetita coercitione hebetentur, sub ipso patibulo et in conspectu exsecutionis poenarum, nova meditentur et committant sclera homines nefarii? Fueritne poena tum justa? — Certe objicitur mihi, quod poena, quamquam non in omnibus casibus reprobatas opprimat cupidines, tamen, quam nihil aliud reliquum sit, a civitate sit adhibenda, donec melius reperiatur remedium; vel, ut nonnulli

1) Atrox poena saepius ad iram et ultiōrem, quam ad poenitentiam accendit animos effrenatos, et vitae taedium hanc raro ad crimen committendum permovit infelices, ut pompa quadam vitae sibi exitum pararent.

dixerunt, majus detrimentum minori sit tollendum (1): sed oppositio ista hoc tantum probat, finem laudatum coercionibus non semper obtineri; quod si ita est, fundamentum poenae a nobis quaesitum, in deterrendo situm esse non potest. Vera civitatis salus ex justitiae auctoritate pendet; hanc sustinere ei necesse est. Nullum autem jus injuria firmatum in civitate existere potest, quia jura sincera nunquam sese oppugnant. Sequitur ergo, quum poenae laesionem contineant ad majorem laesionem avertendam, et idcirco jura et libertatem civium restringant, aliud iis subesse debere fundamentum, quam illum finem. Sed accepto quoque, quem in altera quaestione paragraphi praecedentis posuimus, casu; nihilominus tamen exceptio modo allata valet, nec praevia communione poenae debilitari potest. Quaeritur enim, unde jus minitandi et tum minas exsequendi civitati competat? Nemo respondent, ex tacita conventione et consensu civium auctoritatem illam deducendam esse (2), nam juri tantum et ex

jure sequentibus remedii ad pacem tuendam cives adsentiri potuerunt, non vero injuriae: et si quis dicat: sed, mehercle, facultate puniendo expers civitas obligationes suas complere nequit; nihil dixerit, quia hic quaestio non est de necessitate poenarum, quam nemo dubitat, sed de earum fundamento et jure, nunquam autem jura necessitas tribuit.

Quaeramus tertio, quem modum puniendi indicet deterrendi ratio et quaenam exinde sequantur? Fine pro fundamento habito, remedium quodque, ad propositum consequendum aptissimum, prae ceteris quoque approbandum esse, neminem certe fugit; sed hoc concesso quo perducimur? ubinam cruciatum limites erunt? nonne crudelissima poena justissima erit, quippe quae finem suum potissimum assequatur? (*) Metus omnia diriget et perfectam constituet tyrannidem. — Quis huic opinioni barbarae, civitatum consilio plane contrariae, consentire velit? — Sunt denique casus,

1) Michaelis, mosaisches Recht, Thl. 6, in der Vorrede. — Pfizer, Beiträge zum Behuf eines Criminal-Gesetzbuches. — Thibaut, Kritik der Feuerbachschen Theorie.

2) Gros, dissertatio jurid. de notione poenarum forensium.

§ 10: „Jus puniendi sequitur ex consensu civium, per necessitatem poenarum conditionato. Vide etiam § 7 ibid.

(*) Borst, Versuch einer neuen, rein rechtlichen Darstellung des Strafrechts. Nürnberg 1811, pag. 6 f.

ubi metus poenae, immo atrocissimae, omnem vim amittit, quae, quum semper rem amatam, cuius jactura dolorem affert, postulet, nullum effectum habere potest, si quis aut nulla bona possidet, aut ea contemnit, aut pluris quam caetera omnia aestimat. (1)

§ 6.

Plerique ex jure defensionis, civitati a singulis traditae, poenarum et juris deterrendi rationem colligendam demonstrarunt (2), quam theoriam omnes fere ultimi supplicii adversarii sequuntur, plurimum ponderis in pacto sociali et consensu civium collocantes. Neminem vitae suae dominum esse dicunt, quapropter neque civitati potestatem eam adimendi tradi potuisse (3); reipublicae praeterea ad

1) Comp. *Püttmann*, de poenis exemplaribus. Lipsiae 1787. — *Wieland*, Geist der peinl. Gesetze, § 309.

2) *Wieland* I. c. § 294 seq. — *Kühn*, vom Recht über Leben und Tod. Leipzig 1788, pag. 18. — *Klein*, Nachtrag zu Quistorps Grundsätzen des peinl. Rechts. I., pag. 426. — *Filangieri* I. c. — *Kleinschrod* I. c., pars II, § 9. — v. *Almendingen*, Darstellung der rechtl. Imputat. pag. 148.

3) *Beccaria* I. c. § 16. — *Gruner* I. c. pag. 37.

finem suum obtainendum morte civis omnino opus non esse (1); minimae parti libertatis et jurium quemque renuntiare voluisse, morte autem omnia simul jura tolli; omnes cum universae civitatis salute etiam singuli ejusque prosperitatem conjunctam esse voluisse, praematura autem morte destinationem hominum supprimi; e. q. s. r. — (2) Sed antecedentibus veritatem in se haud continentibus nec ea quae sequuntur vera esse possunt: si juris puniendo fundamentum non ex consensu civium pendet, nec singula poena inde aut deduci, aut denerari potest. De vero fundamento juris puniendo jam supra mentionem feci, quare dicta repetere opus non erit. Justitiae dominatio, et in ea pax et securitas omnium, summa est civitatis norma; huic quivis se submittere debet; quod inde sequitur, recipiatur oportet; restat modo demonstrare, capitis poenam jure necessariam esse; de qua re infra, hic modo re-

1) Quod copiosius Comes de *Soden* refutavit in dissertatione inscripta: Die Todesstrafe vom Verfasser des Geistes der peinl. Gesetze Deutschlands. Nürnberg 1831.

2) *Eschenmayer*, über Abschaffung der Todesstrafe. Tübingen 1831. — *Neubig*, die rechtswidrige Todesstrafe und die rechtmäßige Hinrichtung. Nürnberg 1833. — *Grohmann*, über das Principe des Strafrechts. Carlsruhe 1832.

petam, quod celeberrimus Kant (*) jam dixit, „varias esse personas, civis pactum sociale in-euntis (homo noumenon), et eivis crimen com-mittentis (homo phaenomenon), quippe qui pa-tiatur, quod ex jure in prima qualitate agnito ei imponitur. Nemo sane vitae suae potestatem habet, sed nihilo minus potestatem crimen com-mittendi tale, quod morte sola plecti possit, quo commisso est perinde, ac si vitam sibi jam ademisset. Si quis summam civitatis et ejus incolarum salutem spectat, ante omnia justitiam spectare debet, et si haec sumnum supplicium expostulet, hanc quoque poenam ratam habere non recusabit, quominus in se respublica cul-pam malefici suscipiat. Propter praesumtam sin-guli destinationem, quam peccando ipse jam neglexit et deseruit, tota societas suam omit-tere nequit, quae in exercenda justitia con-sistit, et id eo minus, quum reum simul unica via privaret, semet ipsum cum jure reconcili-andi et ita ad veram suam destinationem per-vadendi.

*) *Kant, Metaph. Aufangsgründe der Rechtslehre.* Königs-berg 1798. pag. 233. — *Tieftrunk, philos. Untersu-chungen über die Tugendlehre.* II. pag. 454.

§ 7.

Varios praeterea conatus ad doctrinam illam, ex qua in deterrendo puniendi causa con-spicitur, firmandam, plerique auctores parave-runt; multi etiam alia argumenta relativa juri puniendi supposuerunt, quae, saepe jam tractata debilitatisque suaे convicta (*), silentio transmit-

*) *Welcker* I. c. pag. 228 seq. — *Henke* I. c. § 21.

— *Weber*, Beitrag zur Revision der Grundsätze der Strafgesetzgebung, im neuen Arch. d. Cr. Rts. Th. 6. pag. 450 seq. — *Köppen*, Rechtslehre pag. 122—131.

— *Mittermaier* im neuen A. d. Cr. Rts. Th. 4. p. 91. seq. — Sententiam autoris, ex philosophia nunquam codicem poenalem hauriri posse, sed publica sapientia legislatorem regi, contrariam mihi esse non puto, sed ita intelligendam, ut abstracta quidem philosophia huic fini parum prodesse possit, politice autem, quae legislatorem regit, non externa et ex conditionibus casualibus pendens, sed certis principiis, ex philo-sophia et experientia deductis, munita esse debeat. Principia illa eadem erunt, quibus etiam poenarum ra-tio nititur, intelligo recti et justi imperium. — Caeterum infinitas ire non possumus, conditionibus quibusdam, maxime vero excitatis et promotis populo insitis ingenii viribus, remedia ad exsequendum legislatoris consilium mutari posse, sed tamen non in omnibus casibus hoc fit; nam puto existere crimina, quae, velut homicidium, sem-per eandem exposcant vindictam, nec prius capitisi poenam tolli posse, quam dum nulli in civitate contingat mors

tenda putavi. Prae cacteris insigne est Grolmani sistema (*), in praeveniendo positum, quod cum deterrendi ratione comparavit Welckerus, et diversitatem systematum in eorum consequentiis demonstravit, cum nempe hoc sub levioribus ineitamentis leniores, illud autem eo graviores poenas imponere cogatur. Systema illud ad verum fundamentum poenarum prope accedit, dum castigatione voluntatem impiam, delinquendo probatam, coercere et maleficum in posterrum a peccando retinere vult. In eo tantum minus perspicuum videtur, quod poenam infligendam ad crimen verisimile futurum referat, non vero ad certum maleficium in praesenti commissum.

Absolutae juris puniendi theoriae, quas Kant, Henke aliique proposuerunt, haud magis probari possunt, quippe quae nimis in damno essentiali ejusque resarcitione occupatae sint,

scelere illata. — Comp. Instr. Cath. II. ad conf. nov. leg. cod. § 208.

*) *Grolman* über die Begründung des Strafrechts und der Strafgesetzgebung. Giesen 1799 et *idem*: Sollte es denn wirklich kein Zwangsrecht zur Prävention geben? in *Grolmans Arch. f. Gesch. u. Philos. d. Rts.*; tom. I, pars 1 et 2. — Comp. *Müthel*, Handbuch des Livi. Criminalrechts. Dorpat 1827, § 3 et § 15. — Instr. Cath. II. § 83, 201, 240 et 241.

intellectualem autem partem criminis, magni verumtamen momenti, praetermittant. Civitatis nimirum et jam extrinsecus magis interesse debet, voluntatem improbam, quae ad crimina compellit jurique universo interitum minatur, exstingui, et omnia simul delicta futura reprimere, quam singulum damnare crimen, quod saepenumero privata satisfactione lui possit. (1) Absolutae theoriae defensores in crimen solo omnia sita esse volunt juris puniendi argumenta, hoc poena coercendum consent; quum vero respectu facti nulla puniendi ratio demonstrari possit, quia intentio sana deficit (2), restitutioni tantum locus esse videtur. Poena hic ultionis naturam haberet, cuius in ordinata civitate ne mentionem quidem fieri licet.

De poenae capitalis justitia.

§ 8.

In paragraphis praecedentibus demonstrare conatus sum, rationem (3) poenarum sitam esse

1) *Welcker* pag. 197 seq.

2) *Mittermaier* I. c. pag. 95, 96.

3) Finem et fundamentum rei in plurimis casibus synonyma

in jure violationem crimine illatam damnumque intellectuale exinde ortum poena quasi tollendi; instat jam quaestio: sintne omnino casus, in quibus ad noxiam istam avertendam capitum supplicio opus habeamus? quo probato simul justitiam et necessitatem illius poenae concedendas puto.

Quaestio autem posita ex testimoniiis experientiae et autorum maxime colendorum affirmari posse videtur, et quidem primo loco in *homicidio*. Instructio Catharinae II., Celeberrimae Russorum Imperatricis, ad novum codicem consciendum, caeterum aversissimi a summo supplicio animi (§ 209 seq.), dicit; „qui hominis vitam nihil existimavit, ejus vita quoque nihil habetur“, et alio in loco (§ 79): „Ille civis meretur plecti morte, qui securitatem eo usque infregit, ut vel privare aliquem vita, vel privandi saltem consilium agitare, ausus fuerit“. — Qui cum vita omnia simul iura aliis hominis sustulit, ei nulla iura tribuenda sunt (*); sanguis effusus una cum violata ju-

esse, iam hoc demonstrat, quod eodem verbo in ambabus significacionibus utebantur Romani; vide supra § 3.

*) Hinc illud jus sicarium necandi, parentibus et propinquis potissimum concessum, dum constitutiones civiles nondum ordinatas fuere; hinc etiam consilium Roma-

stitia vindictam exposcunt, et, quum vitam hominis vita sola compensare possit, morte homicida crimen suum luat, dummodo consilium caedis habuerit, vel ex facto ejus caedes necessario prodire debuerit. Instrumenta aliaque casualia in considerationem non cadunt, dummodo libera voluntatis determinatio comprobata sit. — Excipiuntur ab ista regula infanticidium et commilitonicidium in certamine singulari (1), sed hic non juris, sed morum obstant argumenta.

Crimina contra libertatem capite plecti debere, ut Aschenbrenner (2) existimavit, si quis eo animo hominem rapuerit, ut servum eum faceret, ex principiis nec retributionis, nec intellectuali damni restitutionis sequi intelligo, nam est in libertate malefici compensatio, qua facinoris sui poenas solvere potest. „Poena non ex ar-

norum parcidam poena capitali atrocissima afficiendi, quum cum non juribus modo, sed clementiorum adeo usu privandum existimarent. L. un. Cod. de his qui parent. vel. lib.

1) Kant, Rechtslehre pag. 334.

2) Aschenbrenner cit. diss. in Arch. d. Cr. Rts. Th. IV. II. 3. pag. 112.

bitrio legislatoris, sed ex ipsa re profluat necesse est; omnis severitas fines hos excedens est inutilis et consequenter tyrannica“, dixit Catharina I. c. § 67 et 207.

Crimen, quod in *sanae mentis privatione*, consistit, in codice Borussico (*) morte coercitum, potius hanc poenam mereri videtur; mens enim et ingenium humanam naturam constituunt, quibus ademis bestiarum tantum species restat, unde *animi occisio* tale crimen dictum et non *injuria homicidio* equiparatum est.

Vis externa, quam mors non insecura est e. g. stuprum violentum, summo suppicio causam dare nequit, nam opprobrium fieri tunc possit, juribus reum privatum esse, quorum violandorum animum nunquam habuerit, juribus tam inestimabilibus, quam irreparabilibus, cum tamen facinus ejus, honorem et libertatem attingens, nec restitutionem seclusisset, nec poenam justam ex honore, libertate et integritate rei sumendum.

Vel minus adhuc ultimum supplicium locum

*) Pars II, tit. 20, § 201.

habere potest in omnibus honorum *externorum* laesioribus, veluti in raptu, furto aliisque damnis, nec inestimabilibus nec irreparabilibus. Aliter vero *res* sese habet, quam ad violationem honorum vitae periculum accesserit, ut in *latrocinio violento* cum caede conjuncto, vel quum, vitae periculo quidem remoto, hoc tamen malefico nihil proficere possit, quia facinus ejus, secundum naturalem rerum ordinem, verissime necem afferre debuisset, ut in *incendiis insidiosis* aedificii inhabitati. Tamen et in hoc casu summum supplicium injustum foret, si re vera nemo vita privatus esset.

§ 9.

Difficilior, quam in privatis delictis, quaestio de adhibenda capitis damnatione in publicis delictis erit, cajus decisionem, num et quatenus poenae isti locus esse possit, constitutio cuiusque civitatis pro parte, ut appareat, determinare debet.

Überiorem disquisitionem delicti, saepius jam retractati (*), hic nemo exspectabit. Suf-

*) Feuerbach, Lehrbuch des peinlichen Rechts. § 162 bis 205.

ficiet ad finem nostrum divisio, a plerisque recepta, in crimen contra rem publicam in specie sic dictum, seu perduellionem, in crimen laesae majestatis et in crimina contra singulas civitatis auctoritates. Primum universam civitatem (die moralische Person des Staates) vel personam regnantis qua talis, alterum personam physicam imperantis vel principis reipublicae, tertium singulas potestates toti civitati seu imperanti ad ordinem sustentandum competentes tangit.

Quum vero indicium utilitatis et justitiae poenae cuiusdam, respectu gradus et amplitudinis ejus, in periculo positum esse constet, quod ex facto doloso tam in universam civitatem, quam in singulum quemque civem redundat, certum est, ea tantum delicta publica morte esse plectenda, quae revera ordini juris dissolutionem, singulorum omnium incolumitati integrum minitentur rationemque tollant, cuius causa homines civitatis nexum intraverunt. Hinc in plurimis civitatum constitutionibus primum tantum delictorum genus, perduellio scilicet, summum secum ducet supplicium; i. e. omne factum, quod intentionem habet constitutionem civitatis, sponsorem integratatis jurium civibus concessorum, evertendi, sive hoc fiat

interna dissolutione, sive proditione, sive naturali vel intellectuali nece regnantis. Disturbatio talis jurium omnium in civitate ita expiari debet, ut maleficio omne adimatur jus.

Alterum contra publicorum delictorum genus, crimen laesae majestatis appellatum, personale magis delictum esse videtur, quod pro excelsiore positione laesae personae aggravatum est. Potest autem et id in veram perduellionem converti, simul ac, uti e. g. in imperiis monarchicis absolutis, persona regnantis universam repraesentat civitatem, et in eadem praesertim securitatis et salutis civium sponsio deposita est. (*)

Minus adhuc, quam crimen laesae majestatis, delicta adversus singulas auctoritates seu potestates imperii, veluti crimen ambitus, delicta monetaria, vindicta privata, tumultus et seditiones aliaque, capite punire justum et ratum

*) Descriptio criminis laesae majestatis apud Feuerbachum l. c. § 173, tanquam usurpatio jurium summi imperii, minus videtur propria esse criminis laesae majestatis species, quam concursus hujus delicti et criminum adversus auctoritatem publicam. — Comp.

eset, dummodo in perduellionis naturam haud transierint.

§ 10.

Exemplis citatis sufficienter jam demonstrasse existimo, casus occurtere posse, in quibus ad restitutionem juris et conservandum animum civilis consociationis, summo suppicio uti necesse sit. In fine hujus partis libelli mei quaestio denique breviter attingenda erit, — unde, justitia supplicii ultimi concessa, civitas ejus exsequendi potestatem acceperit? Feuerbachius dixit, hanc potestatem descendere ex antecedente comminatione (vide supra § 5); quam tamen statuere non potui, quia causam ejus non intellexi; sed responsum ad illam quaestionem in prioribus jam contentum esse puto.

Si enim verum est, civitatem esse constitutionem jure fundatam, ad adsequendam destinationem hominum necessariam, si prae-

Kleinschrod über den Begriff und die Strafbarkeit des Hochveraths, im Arch. d. Cr. Rts. Th. I. II. I. n. 2. § 5. — *Aschenbrenner* I. c. § 13.

terea concedi debet, civilem consociationem existere non posse, nisi si singulus quisque parti jurium suorum in usum publicum, maxime vero privatae vindictae et defensioni reservatorum jurium possessionis, renuntiaverit; si porro curam et obligationem istam civitas, simul cum onere justitiam, tanquam fundamentum universale consociationis, sustinendi, in se suscepit: ex rerum natura jam sequitur, civitati etiam omnem potestatem ad explenda officia sua necessariam concessam esse debere. — Ex eodem argumento jam facultas, summum supplicium adhibendi, deducenda est, dummodo uno vel altero criminum in § praecedente enumeratorum status juris tantopere infractus fuerit, ut sola morte malesci licet status restitui, damnum intellectuale tolli, et reus ipse, tanquam homo et civis, cum meliori sua voluntate reconciliari possit. (*)

§ 11.

Quinam supplicii modus adhibendus sit, ad aliam disquisitionem pertinet, cum ex ethi-

*) *Kant*, Anfangsgründe der Rechtslehre; in appendice § 5. — *Aschenbrenner* I. c. § 7.

ces principiis haec quaestio dijudicanda sit. Inspiciatur de ea tractatus *G. W. Böhmeri* in novo thes. j. crim. (tom. 4 pag. 56 et 343, tom. 5 pag. 559, tom. 6 pag. 65) de electione poenarum capitalium.

Si norma poenarum, juxta improbitatem voluntatis, ex quantitate juris laesi petenda est, poena nunquam plus efficere potest, quam omne jus reo adimere. Qui finis poenae simplici morte impetratur, quare hanc tantum maleficus jure subire potest, cruciatusque omnes qualificatarum (s. v. v.) capit is poenarum removendi sunt. Omne malum ad notionem legitimi supplicii minus necessarium evitetur; in executione poenae ratio habenda est malefici mortem subituri ejusque familiae, executoris poenae, testium et spectatorum supplicii, denique totius societatis. Quare officium imponitur supremae potestati, tam accelerandi executionem, quam eam certam reddendi, ita ut irrita fieri nequeat, ut etiam curandi, ut sine cruciatu quam facillime peragatur, ne plus mali in perpetiendis doloribus, qui mortem praecedunt, quam in morte ipsa, cernatur. Quam sententiam Seneca (de benef. II, 5) jam his verbis tulit: acerbissima crudelitas est trahere poenam et misericordiae est cito occidere.

T H E S E S.

- 1) Juris normae, quae in populo ortae sunt, in civitate bene instituta, ut adhibere eas licet, legis sanctionem habere debent.
- 2) Regna nostrae terrarum partis in jure fundata sunt (sind Rechtsstaaten), ergo ex jure quoque hauriendae poenarum sanctiones, non ex consiliis casualibus.
- 3) Ex notione juris constat, non delictis solummodo, sed omni injuria, poenam irrogandam legibusque poenali bus ad criminis punienda opus non esse,

ut a Feuerbachio (Lehrbuch d. peinlichen Rechts § 20) affirmatum est.

- 4) **Summum supplicium necessarium est consilium adversus crimina ad sustinendam securitatem et justitiam in civitate.**
- 5) **In casibus criminalibus laesionem passo jus concedit nequit, paciscendo inquisitionem adversus reum opprimendi poenamque avertendi.**
- 6) **In suicidium nulla pena statuenda est.**
- 7) **Crимина contra rem divinam, non quia Deo, sed quia legibus contraria sunt, puniuntur.**
- 8) **Aequitas minime juri contraria, uti videtur, sed vehiculum est, quo vera et sincera justitia adversus jus**

abstractum et ita in injustitiam transversum defenditur.

- 9) **Civium aequalitas non in juribus et conditionibus paribus, sed in legibus, quibus pareat quisque, cernitur.**
 - 10) **Pactum antichreticum, jure romano probatum, et tacite iniri potest, et creditori jus praebet, fructibus rei pignori datae utendi, sine ulla obligatione ad reddendas rationes, si fortasse fructus legalem modum usurarum excedant.**
-